



Sikim Koumoligan Sosial Suri Walai (SKSSR)



www.perkeso.gov.my
1-300-22-8000

- PERKESO Official
- @perkeso official
- @PERKESOofficial
- PERKESO



Pongintirungan Sikim Koumoligan Sosial Suri Walai

Sikim Koumoligan Sosial Suri Walai (SKSSR) i pinointutun id siriba Akta Koumoligan Sosial Suri Walai 2022 kihontolon manahak pongintirungan kumaa doid suri walai dit kotimbaba do koligaganan, toruol toi ko nunu-nunu kaantakan id maamaso momonsoi ponompuanan kokomoi karaja id walai gisom atagakan ginoris potilombus toi ko adala au kohimbogui i kopomirumbak kosimbogui suri walai dilo do monompuan sampaganakan dau.

Koligaganan doung suang walai aantakan id suang toi ko id soliwan walai i kosuhat do tinan dit suri walai aantakan mantad dilo om id maamaso monompuan sampaganakan dau.

SKSSR nga mongintirung nogi dit suri walai i otimbaba toruol toi ko oluhoi tinan id nonggo toruol toi ko oluhoi tinan dilo nokohimagon dit mamamagatang pongubatan toi ko Tinimungan Dokutur Moninimbang do iyu adala au kohimbogui.

Kaampayatan nopo nga mimpoopori do maganu pongintirungan sikim diti.

Korotion Suri Walai

Songulun tondu nangku do nakasawo toi ko au, i monompuan karaja id walai poimponu timpu toi ko au; poinsuang no songulun sawo, noiduanan sawo (tondu) toi ko i napataian sawo (tondu) dit pisasawaan dau poindopitor id siriba nonggo-nonggo kooturan poinsurat, toi ko songulun tina dit kitanak songulun toi ko lobi poinsuang no tina tontoisoon.

Karaaralano Poposurat & Pambaraian Tusin Pinoobi

Karaaralano Poposurat & Pambaraian SKSSR komilo do wonsoyon id nonggo-nonggo tupis PERKESO toi ko maya Portal Suri Walai PERKESO suri.perkeso.gov.my toi ko layag no doid laman web tupis PERKESO www.perkeso.gov.my

Imbaso kud QR montok
poposurat SKSSR



Kooturan Dit Kosudong

1. Suri walai tulun Malaysia/mogigion pointatap i kiumur au po nokodimpot 55 toun.
2. Montok kaampayatan koinsan nogi, suri walai dilo mositi no do kiumur au kolobi ko 54 toun.
3. Mambarai tusin pinoobi montok timpu 12 tulan dit baraian laid kopogulu (in advance).

Tusin Pinoobi

1. Tusin pinoobi kiginumu RM120 i apatut baraian laid kopogulu (in advance) montok timpu 12 tulan misusuhut.
2. Tusin pinoobi dilo komilo do baraian di sawo, suri walai, paganakan toi ko nonggo-nonggo ponong kotolu montok suri walai dilo.
3. Ondung songulun sawo (kusai) momili do mambarai tusin pinoobi montok sinawo dau, prinsip 'insan poinsuang, potilombus poinsuang' oguno montok papatantu do haro pongintirungan dit potilombus montok suri walai dilo.
4. Ondung sawo (kusai) dilo au nodi kosimbogui popotilombus mambarai tusin pinoobi sasabap no do atagak pogonuan om susuai po, PERKESO apatut do poiloon id suang timpu 60 tadau pogului aawi timpu tusin pinoobi dit poinsodia mantad.

Karaaralano Kinopokionuan SKSSR

Karaaralano Kinopokionuan SKSSR komilo do wonsoion doid id nonggo-nonggo kountor tupis PERKESO miampai momogonop Burang Kinopokionuan Kounalan Sikim Koumoligan Sosial Suri Walai (SKSSR) – Burang SR 6

Kounalan Pongintirungan Koligaganan Doung Suang Walai:

1. Kounalan Pongubatan
2. Kounalan Atagakan Ginoris Potilombus
3. Alaun Manamong Torrimo
4. Koobian Ponondulianan Tinan toiko Dialisis
5. Kounalan Ponompuanan Tinan Napatai
6. Pinsin Pointampasi

Kounalan Pongintirungan Adala Au Kohimbogui:

1. Alaun Oluhoi Tinan
2. Alaun Manamong Torrimo
3. Koobian Ponondulianan Tinan toiko Dialisis
4. Kounalan Ponompuanan Tinan Napatai
5. Pinsin Pointampasi

Kounalan Pongubatan

Suri walai dit otimbaba koligaganan doung suang walai komilo do maganu kopongusapan pongubatan (tumanud dit Akta Fi 1951) om koponompuanan susumakit labus id dispensari, kolinik toi ko id institusi suai. Kosuangan nopo id waad nga kapadan id waad kalas koduo walai pongusapan porinta.

Kounalan Atagakan Ginoris Potilombus

Onu nopo kaantakan atagakan ginoris potilombus sabap do koligaganan doung suang walai, i mongingkuri kosimbogui suri walai ki'insurans do monompuan sampaganakan dau om nagatang dit mamamagatang pongubatan toi ko Tinimungan Dokutur Moninimbang. Barai poinguntun gisom RM30,000 montok iso timpu tusin pinoobi tumanud kawo do suhat.

Alaun Manamong Torrimo

Barai kiginumu RM250 maan baraiai monikid tulan kumaa doid di suri walai dit kaanu do kounalan atagakan ginoris potilombus toiko alaun oluhoi tinan nung om poompus suri walai dilo dot adala au kohimbogui gisom minog haro songulun suai monompuan dau torrimo. Kounalan nopo ditnga otingkad soira do suri walai dilo kodimpot umur 55 toun toi ko minidu pogun.

Koobian Ponondulianan Tinan Toi Ko Dialisis

Kabalanjaan gisom RM50,000 id suang iso timpu tusin pinoobi nung suri walai dilo nokohimagon dit mamamagatang pongubatan toi ko Tinimungan Dokutur Moninimbang do nakakandai iyu toruol adala au kohimbogui toi ko natagakan ginoris potilombus om pinotuduk do momoguno ponondulianan tinan miagal ko gakod nombitanan, tirikohn bulandai, sukud om susuai po. Kopongusapan montok dialisis nopo nga kiginumu RM200 tikid tulan toi ko tumanud dit Akta Fi 1951.

Alaun Oluhoi Tinan

Barai monikid tulan suginumu RM300 nung suri walai ki'insurans dilo nokohimagon dit mamamagatang pongubatan toi ko Tinimungan Dokutur Moninimbang dot nakakandai iyu toruol adala au kohimbogui mantad nunu nopo kopoluhoi tinan dit poompus gisom au nodi kosimbogui momonsoi soboogian tagayo bururon monompuan sampaganakan dau. Kounalan nopo ditnga otingkad soira do suri walai dilo kodimpot umur 55 toun toi ko minidu pogun.

Kounalan Ponompuanan Tinan Napatai

Ondung suri walai ki'insurans dilo minidu pogun pogului kodimpot umur 55 toun aantakan koligaganan doung suang walai toi ko maamaso iyu do monorimo alaun oluhoi tinan toi ko mantad nunu-nunu kaantakan id suang timpu pongintirungan, barai ponompuanan tinan napatai kiginumu RM2,000 insan noo maan pabarao kumaa tulun tonggungan dit kaanu toi ko ponong diolo i minananggung kopio do balanja momolobong.

Pinsin Pointampasi

Ondung suri walai ki'insurans dilo minidu pogun pogului kodimpot umur 55 toun aantakan koligaganan doung suang walai toi ko maamaso iyu dot monorimo alaun oluhoi tinan toi ko apatai mantad nunu-nunu kaantakan id suang timpu pongintirungan, Pinsin Pointampasi suginumu RM300 maan baraiai kuma doid id tulun tonggungan dit kaanu tumanud baagi natantu. Pinsin Pointampasi maan baraiai kuma doid id noiduanan sawo (kusai), tanak. Ondung ingao sawo, tanak do tinongkiadan dit suri walai, Pinsin Pointampasi maan baraiai kumaa doid id molohing dit suri walai ki'insurans.

Baagi tanak baraian gisom tanak dilo kiumur 21 toun toi ko kasawo toi ko ondung maamaso po do minsingilo gisom aawi pongiraloman toilaan ijazah koiso. Ondung haro tanak dit au kosongkuro kolidasan tutok, napisansala tinan i puun au kaanu iyu mananggung tinan sondiri, baagi tanak dilo maan baraiai gisom kiumur 55 toun.

Pinsin Pointampasi suul no do maan baraiai kumaa doid id noiduanan sawo (kusai) toi ko molohing tulun Malaysia gisom do kodimpot umur 55 toun. Barai Pinsin Pointampasi kumaa doid id noiduanan sawo (kusai) otingkad nung manansawo kawagau iyu.